

Reykjavíkurborg

Tjarnargata 11

101 Reykjavík

**Ábendingar Vegagerðarinnar vegna endurskoðunar á lögreglusamþykkt fyrir Reykjavíkurborg**

Yðar tilvísun: Mál 5/2024. Endurskoðun lögreglusamþykktar fyrir Reykjavíkurborg

Vegagerðin vill aðallega benda á ýmis vandamál er fylgdu tilkomu smáfarartækja sérstaklega þau sem tilheyra rafhlaupahjólaleigum, sbr. 32. tölul. 1. mgr. 3. gr. umferðarlaga nr. 77/2019, sbr. breytingarlög nr. 92/2024.

Síða 1/1

Með breytingu á umferðarlögum, sbr. breytingarlög nr. 92/2024, var ætlað að leysa úr ýmsum flækjum er fylgdu tilkomu þessara farartækja, svosem um hverjir mega aka þeim, hvar skuli aka þeim o.fl. og var í því skyni stofnaður nýr flokkur smáfarartækja. Hins vegar eru löggin þögul um lagningu og frágang þessara smáfarartækja og telur Vegagerðin mikilvægt að taka tillit til þess í fyrirhuguðum breytingum á lögreglusamþykktum fyrir Reykjavíkurborg.

Í III. kafla gildandi lögreglusamþykktar er sérstaklega fjallað um ökutæki, umferð o.fl. Í 1. mgr. 19. gr. kemur fram að ekki megi leggja á almannafæri eða setja neitt það sem hindrar umferð. Vegagerðin leggur til að hafa sérstaka umfjöllun um smáfarartæki í kjölfarið, eða á öðrum stað í áðurnefndum kafla, og einkum um að það þurfi að ganga þannig frá smáfarartækjum að eigi stafi hætta eða truflun af, sbr. orðalag 6. mgr. 42. gr. umferðarlaga um frágang reiðhjóla.

Að öðru leyti hefur Vegagerðin ekki frekari athugasemdir eða ábendingar.

Vegagerðin
Suðurhraun 3
210 Garðabær

+354 522 1000
vegagerdin.is

vegagerdin
@vegagerdin.is

Virðingarfyllst
f.h. Vegagerðarinnar
Bergþóra Þorkeldsdóttir, forstjóri

Undirskrift